

MUTAFAKKIR jurnali, 2022 (1) Aprel sonida

**“ЁШЛАР ИЖТИМОЙ ФАОЛЛИГИ ОШИРИШДА
СИЁСИЙ ПАРТИЯЛАР РОЛИ”**

mavzusida maqola bilan qatnashdilar:

Нажмиддин Қодиров Неъматович

Maqola ssilkasi:

<https://journals.indexcopernicus.com/search/article?articleId=3341140>



№ 004

ЁШЛАР ИЖТИМОЙ ФАОЛЛИГИ ОШИРИШДА СИЁСИЙ ПАРТИЯЛАР РОЛИ

Қодиров Нажмиддин Неъматович

Тарих фанлари номзоди, доцент

ТДИУ, кафедра муdiri

РЕЗЮМЕ: мақолада мамлакатимизнинг янги тарихи даврида шаклланган сиёсий партияларнинг ислохотлар жараёнидаги фаолияти ва унинг ёшлар ижтимоий фаоллигини ошириш билан боғлиқлик жиҳатлари тадқиқ қилинган.

Калит сўзлар: сиёсий партия, кўппартиявийлик, давлат, ёшлар, фуқаролик жамияти, ижтимоий фаоллик, демократик ислохотлар.

Ўзбекистон Республикаси энг янги тарихи шаклланиши даврида вужудга келган кўппартиявийлик тизими мамлакатимиз ёшлари ҳаётида муҳим ўрин эгаллайди. Сиёсий партиялар фаолиятида ёшларнинг фаол иштироки, мамлакатда олиб борилаётган ислохотлар мазмуни, мақсади ва амалга ошириш механизмлари ривож билан бевосита боғлиқдир. Ёшларни сиёсий партиялар ишига жалб қилиш, партиялар фаолиятининг демократик жамият ижтимоий иқтисодий тизимида чуқур ўрин эгаллашида, ижтимоий қатламлар билан бевосита алоқасининг ривожидagi ва партиялар орасидаги рақоботбордошликни оширувчи омиллар сирасига киради. Шунинг учун ҳам мустақилликнинг дастлабки йилларидан бошлаб мамлакатимизда кўппартиявийлик тизимининг ривожланишига, партияларнинг жамиятдаги сиёсий, иқтисодий, ижтимоий жабҳалардаги ролининг юксалишига алоҳида эътибор берилди. Бу устувор йўналиш 1991 ва 2016 йилда қабул қилинган Ўзбекистон Республикасининг “Ёшларга оид давлат сиёсати тўғрисида”ги қонунларда ҳамда 2014 йилда қабул қилинган Ўзбекистон Республикаси Президентининг ПҚ-2124-сонли Қарори, Ўзбекистон Республикаси “Камолот” ЁИХ Васийлик Кенгашининг 2015 йилдаги 40 ва 65-сонли баёнлари билан тасдиқланган дастурларда ўз аксини топди. Мазкур қонунлар, қарор ва дастурларни амалдаги ижроси келажагимиз кафолати бўлган ёшларимизни сиёсий онгини устириш, мамлакатимизнинг ижтимоий-иқтисодий ривожланиши, амалга оширилаётган ислохотларни англашлари, уларда миллий ўзлик ва миллий ғурур тушунчаларни юксалтиришга ҳуқуқий замин яратиш билан биргаликда бу жиҳатларни амалга оширди. Ушбу жараёнларда сиёсий партиялар ва, айниқса, уларнинг ёшлар қанотлари фаол иштирок этиб келмоқда.

Демократик ислохотлар натижасида сиёсий партиялар фаолиятининг ҳуқуқий-меъёрий асоси вужудга келтирилди ва мунтазам суратда такомиллаштирилди. Қайд қилиш лозимки, “кўппартиявийлик” тушунчаси бир мамлакат ҳудудида икки ёки ундан ортиқ сиёсий партиянинг мавжуд бўлиши, уларнинг қонуний фаолият олиб бориши ва ҳокимият учун курашда иштирок этишидан иборат сиёсий ҳолат ва жараённи ифодалайди. Ушбу жараён ҳуқуқий демократик давлат, фуқаролик жамиятини барпо этиш ва барқарор ривожлантириш, халқ ҳокими-

ятчилигини ташкил этиш ва такомиллаштиришга қаратилган давлат сиёсатини амалга оширишда халқ хоҳиш ва иродасини ифодалаш, фуқаролар, жумладан ёшларнинг ҳуқуқ ва эркинликларини рўёбга чиқаришнинг муҳим шартидир. Сиёсий партияларнинг мамлакатимиз ёшлари фаоллиги, ҳуқуқий имкониятлари асосида сайловлардаги иштироки, давлат ҳокимиятини шакллантиришнинг муҳим воситаси, қабул қиладиган қарорлар мазмунини демократлаштириш, уларни ёшлар томонидан эътироф этилишини таъминланишга хизмат қиладиган фуқаролик жамияти институти сифатида олиб бораётган фаолияти ҳам кўппартиявийликнинг яққол намунасидир.

Мамлакатимиздаги кўппартиявийлик сиёсий партияларнинг давлат органлари фаолиятини назорат қилишни амалга оширувчи жамоатчилик институти ҳамда ёшлар ижтимоий фаоллиги юксалиши учун ҳаракат қиладиган ва уларни сиёсий жараёнларга иштирок этилишини таъминлайдиган бирлашма эканлигини таъкидлаш лозим. Шунингдек, мавжуд сиёсий партияларнинг демократик сайловларда ёшлардан сайланган вакиллари орқали дастурий мақсадларини амалга ошириш учун парламент фаолиятига, ижро ҳокимияти ишига таъсир кўрсата олиш имконияти ҳам кўппартиявийлик тамойилининг белгисидир.

Ўзбекистон Республикасининг Президенти Ш.М.Мирзиёев сиёсий партияларнинг жамият ҳаётидаги ўрни ҳақида сўз юритиб “Партиялар фуқароларимиз, айниқса, ёшларимизнинг ғоявий, мафкуравий эҳтиёжларини қондириши шарт. Агар партиялар бунга эришолмаса, бу бўшлиқни ғараз ниятли кучлар тўлдиришга ҳаракат қилиши шубҳасиз, деб таъкидлайди.

Ёшларнинг ижтимоий фаоллиги уларнинг фуқаролик жамияти ривожланишида онгли равишда иштирок этишида, унинг маълум ижтимоий, иқтисодий соҳада вужудга келадиган муаммоларни ҳал этишга қаратилган ҳаракатида намоён бўлади. Ижтимоий фаоллик, ёшларда, ижтимоий онгнинг шаклланиши билан боғлиқ фундаментал тушунча бўлиб, фуқаролик жамиятининг муҳим меъёрларидан бирини ташкил этади.

Фуқаролик жамияти ривожланиши шароитида ёшларининг ижтимоий фаоллиги турли шаклларда намоён бўлиши мумкин. Хусусан, ушбу жараён мазмунига кўра унинг конструктив ва деструктив турлари учрайди. Ёшларининг конструктив ижтимоий фаоллиги шунда намоён бўладики, улар муайян ижтимоий муаммолар билан учрашганда уларни мавжуд ижтимоий тизим ва ҳуқуқий меъёрлар ёрдамида ҳал қилади. Ёшларнинг ижтимоий фаоллиги мавжуд қонунлар асосида ўз манфаатларини ҳимоя қилишида ифодаланади, шунингдек ижтимоий муаммоларни ҳал қилиш учун жамоат бирлашмалари тизимидаги бевосита иштирокида, жумладан сиёсий партиялар фаолиятида ўз аксини топади.

Ёшлар ижтимоий фаоллигини ошириш, жамиятимизда амалга оширилаётган кенг кўламли ислохотлар мазмун-моҳияти ва фуқаролик жамиятини ривожлантириш борасида амалга оширилаётган ишлар ҳамда етишиб келаётган ёш авлод-ни глобаллашув даврида турли ёт ғоялар таъсири ва турли таҳдидлардан асраш, уларни замон талабаларига мос шахс сифатида шакллантириш мамлакатимизда устувор йўналиш сифатида белгиланган. Хусусан, мазкур йўналишда 2016 йил 14

сентябрда қабул қилинган Ўзбекистон Республикасининг “Ёшларга оид давлат сиёсати тўғрисида”ги ЎРҚ-406-сонли қонуни муҳим аҳамиятга эгадир. Мазкур қонун ҳар томонлама бугунги ёшларни қўллаб-қувватлаш, уларнинг интилишлари ва қобилиятларига қараб соҳалар бўйича ўз фаолиятларини олиб бориши ва улкан зафарларни қўлга киритишлари, ўз фаолиятини ривожлантиришлари орқали жамият ва давлат равнақига ўз ҳиссаларини қўшишлари учун катта ҳуқуқий замин яратди.

Демократик ва ҳуқуқий давлатни қуриш, фуқаролик жамиятини ривожлантириш мавжуд ижтимоий муаммоларнинг тезлик билан бартараф этилишини аниқлатмайди. Бунда шундай ҳуқуқий тизим назарда тутиладики, унинг доирасида вужудга келадиган ижтимоий, иқтисодий муаммолар барча ижтимоий қатламлар манфаатлари мутаносиблиги сақлангани ҳолда, жамият аъзолари, шу жумладан ёшларнинг ижтимоий фаоллиги асосида ҳал қилинади. Демократик ислохотлар чуқурлашуви даврида ёшларнинг ижтимоий фаоллиги, фуқаролик жамиятдаги ўрнини англаш воситаси ҳисобланади. Ёшлар ижтимоий фаоллиги маданияти, шахс умумий маданиятининг узвий бўлагидир. Ёшларнинг ислохотлардаги иштироки, улар фаолияти жадаллиги, уларнинг ижтимоий фаоллик кўрсаткичи сифатида эътироф этилади. Шундай экан, ижтимоий фаоллик ёшларнинг фуқаролик жамияти шароитида, фуқаролик институтлари фаолиятида иштирок этиб, муайян фаолият тури билан банд бўлишининг ёрқин ифодасидир.

Ўзбекистондаги сиёсий партиялар тарихи далолат берадики, кўппартиявийлик туфайли мамлакатимизда фаолият кўрсатаётган сиёсий партияларга тенг ҳуқуқий имкониятлар, улар орасида жамиятнинг барча қатламлари вакиллари иштирок этишига шароит яратиб берувчи конструктив рақобат муҳити ва мунтазам сурагда ўзларининг сафига ёшларни жалб қилиш учун тенг ҳуқуқий асос яратилган. Бундай шароитда сиёсий партиялар фуқаролик жамияти ривожланишида муҳим роль ўйнайди ва уларнинг фаолияти келажикда, энг муҳими жамиятда ўтказилаётган ислохотлар қўламида муҳим аҳамият касб этувчи қатлам ҳисобланган ёшларнинг ижтимоий фаоллигини оширувчи омиллардан ҳисобланади.

Ёшларни қамрови кенг бўлмаганлиги ҳолатида бўлса-да, айрим сиёсий партиялар ўз фаолиятида ёшларнинг илмий асосланган, ислохотлар мақсадидан келиб чиқувчи мустақил фикрлари, ижтимоий, иқтисодий, сиёсий жараёнларда иштирокини таъминловчи, тадбиркорлик, илмий ишланмалар, нодавлат нотижорат ташкилотлари фаолиятини ривожлантириш соҳасига доир лойиҳаларини ифодаловчи трибуна ролини бажармоқда. Шунингдек, ёшлар вакиллари томонидан илгари сурилаётган ушбу илғор ғояларнинг ижтимоий, иқтисодий жабҳаларда ижро этилишини таъминланишига ёрдам берадиган муҳим восита сифатида намойён бўлмоқда. Сиёсий партияларнинг ёшлар қаноти аъзолари партия пленумлари, қурултойлари ва бошланғич партия ташкилотлари фаолиятида қатнашиб мамлакатимизда олиб борилаётган ислохотларнинг туб моҳиятини, демократик жараёнларнинг чуқурлашуви эканликларини англамоқда. Ёшларнинг сиёсий партиялар сафидаги фаолияти партия матбуотида ёритилиши уларнинг ислохотларда иштирокини фаоллаштирувчи муҳим омиллардан ҳисобланади. Лекин,

шунга қарамасдан партияларнинг мазкур фаолиятлари етарлича кенг қамровга эга бўлмай, уларнинг ёшлар фаоллашуви доирасидаги фаолиятида салмоқли кўрсаткич бўла олмайди .

Мамлакатимиз ёшларининг илғор вакиллари партиялар сафидаги аъзолигидан самарали фойдаланиб, давлатимиз сиёсий, ижтимоий, иқтисодий ҳаётида муҳим роль ўйнайдиган қонунларни такомиллаштириш, уларга мамлакат тараққиётининг ўзига хос хусусиятларини ўрганиб, ижтимоий, иқтисодий ривожланиш босқичлари илгари сураётган вазифаларни англаган ҳолда, мавжуд, амалдаги қонунларга янги моддаларни киритиш бўйича таклифлар киритмоқдалар, уларни бозор иқтисодиёти шароитига мос равишда такомиллаштириш ҳақида ўзларининг таклиф ва мулоҳазаларини билдирмоқдалар. Шунингдек, сиёсий партиялар фаолиятида иштирок этишга қарор қилган ёшлар вакиллари, сиёсий жараёнлардаги иши билан ўз биографиясидаги ижтимоий фаоллигини такомиллаштириш, уни мамлакатимизда ўтказилаётган ислохотлар кўламида дастлабки синовдан ўтказиш имкониятига эга бўлади. Турли касб эгаларига мансуб бўлган ёшларнинг сиёсий партиялар сафига қабул қилиниши кўппартиявийликнинг давлатимиз ривожидagi, унинг заминидa содир бўлаётган ижтимоий, иқтисодий, сиёсий жараёнларда ёшлар иштирокини таъминловчи муҳим бирлашмалигидан далолатдир. Мамлакатимизда демократик ислохотларнинг чуқурлашуви ва барча жабҳаларнинг модернизациялашувида муҳим ўрин эгаллайдиган ижро ҳокимияти фаолияти самарадорлигини ошириш масаласи ҳам ёшларимизнинг доимий эътиборида бўлмоқда . Ёшлар вакиллариининг сиёсий партиялар дастурлари, меъёрий ҳужжатлари билан яқиндан танишиши уларнинг фуқаролик жамияти ривожланиши давридаги фаолиятини чуқур ўрганиш учун имконият яратади ва пировард натижада ёшларнинг ислохотлар кўламидаги фаоллиги таъминланади.

Сиёсий партиялар фаолиятида ёшларнинг фаоллиги ошиб бораётганлиги, сиёсий партияларнинг электорат билан биргаликда ўтказаетган, маънавий маърифий йўналишдаги тадбирларда, ёшлар фестивалларида, спорт мусобоқаларида, давра суҳбатлари, санъаткорлар билан ҳамкорликда ташкил этилаётган ижодий кечаларда намоён бўлмоқда. Ўзбекистонда атроф муҳит тозалиги, кўкаламлаштириш, экологик муҳитни соғломлаштириш бўйича ишлар мунтазам амалга оширилади, ёшларнинг бундай мақсадда ташкил этилаётган тадбирларда фаол қатнашиши, уларнинг ижтимоий иқтисодий мазмундаги ислохотларга ижобий мунособатини билдиради. Сиёсий партия дастурида ифодаланган мақсад ва вазифаларидан келиб чиққан ҳолда, ёшларнинг ижтимоий ҳаётнинг турли жабҳаларида учраётган камчиликларни бартараф этишга мансуб таклифларни киритилаётганлиги улар ижтимоий фаоллигининг юксалаётганлигидан далолат беради.

Таъкидлаш лозимки, сиёсий партиялар жамиятда ижтимоий барқарорликни таъминлаш ишига ўзларининг муҳим ҳиссасини қўшади, айниқса жамиятдаги табақалар орасидаги мувозанатни сақлаш, ўзларининг дастурларида белгиланган мақсад ва вазифаларини амалга ошириш билан биргаликда, ёшларнинг манфаат, мақсад ва эҳтиёжларини рўёбга чиқиш ишига ҳам хизмат қилади.

Сиёсий партияларнинг жамоатчилик назоратини амалга ошириш ва жойларда-

ги ижтимоий аҳамиятга молик долзарб вазифаларни ҳал қилишдаги ишига, жумладан ушбу фаолиятда ёшлар вакиллариининг иштирокига эътибор қаратилмоқда. Шунингдек, сиёсий партиялар фаолиятининг очиклигини таъминлашда партияларнинг ахборот хизматларининг ўрни ва ролини ошириш бўйича комплекс чора-тадбирлар бажарилишида ёш ижодкорлар фаолияти муҳим ўрин эгаллайди. Ҳозирги даврда сиёсий партиялар томонидан фуқаролик жамияти ривожланишининг турли жиҳатларига бағишланган тадбирлар ўтказилишида ёшлар асосий роль ўйнади. Илмий изланишлар натижалари кўрсатадики, сиёсий партияларнинг жамият ва давлат ўртасидаги муносабатларда асосий воситачи сифатида иштирок этиши, ёшларнинг ижтимоий манфаатларини амалга оширишга жалб қилишга кўмаклашувчи фуқаролик жамиятининг институтлари сифатида сиёсий партияларнинг жамиятдаги ўрни кучаяётганлиги ва мустақамланаётганлиги кузатилмоқда. Фуқаролик жамияти ривожланиши давридаги муҳим ижтимоий, иқтисодий масалаларни ҳал этишда сиёсий партияларининг роли ва аҳамиятининг, давлат органлари, жамоатчилик томонидан эътироф этилаётганлигининг таъкидлаш лозим.

Ёшлар ижтимоий фаоллигини ошириш масаласи мавжуд сиёсий партиялар фаолиятининг асосий йўналишларидан бири ҳисобланади. Ҳар сиёсий партияда ёшлар масалалари билан шуғулланувчи махсус бўлимлари мавжудлиги бунга далил бўла олади. 2016 йил декабрь ойида Ёшларнинг ижтимоий-сиёсий фаоллигини аниқлаш мақсадида Етакчи ёшлар маркази томонидан 7000дан ортиқ респондент(ёшлар)лар иштирокида социологик тадқиқот ўтказилди. Унинг натижалари таҳлил этилганда ёшларнинг ижтимоий-сиёсий фаоллиги баҳолар эканлар, аксарият респондентлар (38,8%) улардаги фаоллик даражаси ўртачалигини қайд этиб ўтишган. 18,3% респондент ёшлардаги ижтимоий сиёсий фаоллик фақат ўқув ва иш жойларида намоён бўлаётганлигини эътироф этиб ўтишган. 17,7% респондентлар ёшларнинг фаоллигини юқори баҳолашган. Ёшларнинг фаол бўлишига айнан қандай омиллар тўсқинлик қилаётганини аниқлашда 26,2% респондентларнинг фикрига кўра ёшлардаги сиёсатга нисбатан лоқайдлик уларнинг фаол бўлишларга тўсқинлик қилаётган экан. Иккинчи ўринда сиёсат билан шуғулланаётган сиёсий партиялар томонидан олиб борилаётган тарғибот даражасининг суст даражада эканлигини тўғрисида билдирилган фикрлар диққатга сазавор.

Ёшларнинг сиёсий фаоллигини оширишда энг катта эътиборни жойларда сиёсий билимни оширишга қаратилган машғулотларни ривожлантириш тўғрисида 31% респондентлар, 27% сўров иштирокчилари сиёсий партиялар қошидаги ёшлар қаноти фаолиятини кучайтириш лозимлигини таъкидлашган.

Яна бир эътиборли жиҳат 32,9% респондент ёшлар партияларга аъзо бўлишга ҳаракат қилаётганлиги, 32,5% респондент бундай ҳаракатнинг паст эканлигига диққатни қаратмоқчи бўлганлар. 22,9% респондентлар эса ёшлар ўртасида сиёсий партияларга аъзо бўлишга интилиш йўқ, деган жавобни қайтаришган. Тадқиқот давомида ЎзЛиДеП ёшлар орасида оммабоп эканлиги маълум бўлган.

Тадқиқот давомида респондентларнинг 59,8 фоизи сиёсий партиялар аъзоси эмаслиги, бугунги кунда партияларнинг фаолияти ёшларнинг қизиқиш ва манфа-

атларини рўёбга чиқаришда сусткашликка йўл қўяётганлигини, партиялар ёшлар қанотлари фаолиятини тубдан яхшилаш, ёшларга йўналтирилган лойиҳа ва тадбирлар қўламини кенгайтириш зарур эканлиги аён бўлади.

Ўтган давр ичида хорижий давлатларнинг ёшлар сиёсати бўйича илғор тажрибасини Ўзбекистон шароитида қўллаш, ёшлар ўртасида тизимли ҳамкорликни ривожлантириш мақсадида 13 та хорижий ёшлар ташкилоти билан ҳамкорлик алоқалари йўлга қўйилди. Ўзбекистон 2018 йилда ШХТ Ёшлар кенгашига, 2020 йилда МДХ Ёшлар масалалари бўйича кенгашига тенг ҳуқуқли аъзо сифатида қабул қилинди.

Шу ўринда таъкидлаш жоиз, ёшлар ҳуқуқларини ҳимоя қилиш бўйича тизимли ишлар амалга оширилмоқда. Мамлакатимизда айни пайтда 800 дан ортиқ нодавлат нотижорат ташкилотлари ва жамоат бирлашмалари фаолият кўрсатяпти. Шунингдек, ёшларнинг жамоат ташкилотлари ва сиёсий партиялардаги фаоллиги суст даражада қолмоқда. Ёшларнинг сайлов жараёнлари, сиёсий партияларнинг ёшлар қанотлари фаолиятидаги иштироки ҳолати бу борадаги ишларни янада кучайтиришни тақозо этмоқда.

Бу борада сиёсий партияларнинг “Ёшлар қанотлари” ўз фаолиятини янада тақомиллаштириб, ушбу жараёнларда зарур бўлса етакчилик қилиши лозим. Шу жумладан, барча даражадаги партия ташкилотлари ва депутатлар ёшларга оид қонун ҳужжатлари ижроси устидан депутатлик ва жамоатчилик назоратини таъминлаш, ёшларнинг ҳуқуқий саводхонлиги ва ҳуқуқий маданиятини оширишга қаратилган манзилли ва мақсадли лойиҳаларни амалга ошириш, вояга етмаганлар, қизлар ўртасида эрта никоҳ ва эрта туғруқларнинг олдини олиш, ёшларни касб-ҳунарга йўналтириш, ёшлар билан, айниқса, уюлмаган ёшлар билан очиқ мулоқотлар ташкил этиб, уларни ҳар томонлама қўллаб-қувватлаш, музей, театр ва бошқа маданий-маънавий масканлар, илм-фан, спорт ва амалий санъат тўғрақларига фаол жалб этиш орқали баркамол авлодни тарбиялаш масаласига эътибор қаратмоғи даркор.

Сўнгги йилларда ёш авлодга нисбатан эътибор кучайди. Хусусан, 2017–2020 йилларда ёшларга оид давлат сиёсатининг ҳуқуқий асосларини мустаҳкамлашга қаратилган 50 дан ортиқ қонунчилик ҳужжатлари қабул қилинди, ёшлар муаммолари билан шуғулланувчи янги тузилмалар ташкил этилди.

Ёшлар ишлари агентлиги, Олий Мажлис Сенатида Ёшлар, маданият ва спорт масалалари қўмитаси, Олий Мажлис Сенати қошида 100 нафар ва Қонунчилик палатаси қошида 250 нафар фаол ва ташаббускор ёшлардан иборат Ёшлар парламентлари, Қонунчилик палатасида Ёшлар масалалари бўйича комиссия шулар жумласидан. Олий Мажлис Қонунчилик палатасига 2019 йилда ўтказилган сайловларда сайланган жами депутатларнинг 6 фоизини, маҳаллий Кенгашлар депутатларининг эса 10 фоизини ёшлар ташкил этди.

Қайд этиш лозимки, мамлакатимизда сиёсий партияларнинг, миллий оммавий ахборот воситалари билан ҳамкорликда жамоатчилик назоратини амалга ошириш механизмларини тақомиллаштиришга, олиб борилаётган ислохотлар ҳақида кенг жамоатчиликни ўз вақтида хабардор қилишнинг ташкилий-ҳуқуқий асосла-

рини кучайтиришга, сиёсий партиялар фаолияти очиқлигини таъминлаш учун шароит яратишга йўналтирилган ислохотларда ёшларнинг иштирокини таъминлашга эътибор қаратилаётганлиги, демократлик ислохотларни чуқурлаштириш, фуқаролик жамиятини ривожлантириш орқали ёшлар ижтимоий фаоллигини оширишга қаратилгандир. Бугуни таҳлиллар сиёсий партиялар томонидан ёшлар ҳаётига бевосита дахлдор бўлган кўпгина масалалар қаторида ёш тадбиркорларни қийнаётган муаммолар ечимида етарлича фаол эмаслигини намоён этмоқда. Бу ҳолат сиёсий партиялар томонида “Ёшлар қанотлари” фаолиятини такомиллаштириш, уларни юртимиз ёшлари муаммоларини ечимларига йўналтиришга жиддий эътибор қаратишга ундайди.

Мазкур ишларни самарали ташкил этиш учун сиёсий партиялар томонидан бошқа нодавлат нотижорат ва давлат ташкилотлари билан яқиндан ҳамкорликни ташкил этиш мақсадга мувофиқ. Бу жараёнда Ёшлар муаммоларини ўрганиш ва истиқболли кадрларни тайёрлаш институти, “Ижтимоий фикр” маркази билан яқиндан ҳамкорликни амалга ошириш, сиёсий партиялар томонидан ёшлар билан интерактив алоқа ўрнатиш ва шу орқали ёшлар муаммолари ечимида, уларни ижтимоий ва сиёсий фаоллигини оширишда ўз иштирокини кенгайтириш ҳамда бу борада кўпроқ самарага эришиш, уюшмаган ёшлар билан ишлаш принципларини янгилаш, бу борада янгича ёндашувлар асосида алоҳида стратегия ишлаб чиқишлари ва иш олиб боришлари ёшлар ижтимоий-сиёсий фаоллигини ошириш борасидаги улар фаолиятида юқори самарадорликка эришишга сабаб бўлади.